



UNIVERSITÄTS-
BIBLIOTHEK
PADERBORN

**DE VITA || ET MORIBVS IGNA-||TII LOIOLAE,|| QVI
SOCIETATEM IESV || fundauit, Libri III.|| Auctore Ioanne
Petro Maffeo, pres-||bytero Societatis eiusdem.|| Ex
auctoritate superiorum.||**

Maffei, Giovanni Pietro

Köln, 1585

VD16 M 110

Grauitas eisdem, & in custodia disciplinæ seueritas. Cap. VI.

[urn:nbn:de:hbz:466:1-68259](https://nbn-resolving.de/urn:nbn:de:hbz:466:1-68259)

ad eum legati à quopiam venerant, cù
id quod volebant, minimè impetrar-
sent, Ignatij rationibus interdum ita
victi pacatiq; discederent, vt vltrò ipsi
mutata ratiōe, apud eos, à quibus missi
fuerant, ipsius causam pertinacissime
tuerentur.

*Grauitas eiusdem, & in custodia disciplina
seueritas. Cap. VI.*

AB hác porrò comitate, quemad-
modum austeritas, sic etiam leui-
tas omnis aberat & ineptiæ. Ita enim
compositus fuit moribus, vt nec ma-
num, vel oculum; menibrūmve ali-
quod sine causa & ratione moueret; &
in statu, incessu, accubatione, sessione,
decorū teneret. Iam in loquendo fuit
adeo consideratus & parcus, vt nullum
planè verbum nisi consultò ac medita-
to proferret, neq; figuris vel amplifica-
tionibus vtebatur, sed rei gestæ seriem,
& rationum momenta sine fuso expo-
nebat. qua simplicitate plus valebat in
persuadendo, quàm alij calamistris &
lenocinijs. De se ipso, deq; suis rebus,
nisi necessitas cogeret, vel Dei gloria
postu-

postulareret, nihil dicebat vñquam: ab aliorum vero factis dictisve exquirēdis, nisi ad suam curam spectarent, omnino abstinebat. Consueuerat etiam eos reprehendere qui de soluta Ecclesiæ disciplina, deq; emendandis Principū moribus temerè disputarēt: quam tentationem se fugasse dicebat consideratione extremi iudicij, & eorum quæ taliter tempore à semetipso propriè exigen daforent. quæ si pro se quisq; reputaret, haud ita facilè homines in aliorū vitam inquisituros. Deniq; tanta incurat in eius sermone prouisio, tarditasque lōgo vñ parta, vt cum biliosus ac præferuidus esset natura, pituitosus ob id ipsum ac lentus haberetur à medicis. Atq; hi mores, cum admirabili vite sanctitate coniuncti, incredibile est, quantum illi conciliarent veneracionis. nam vt quisq; intimus erat Ignatio, ita suspiciebat eum maximè. Ludoicum quidem Consaluum Lusitanum, qui domus Romanæ minister aliquandiu vixit, magno rerum vñsu, magna prudentia virum, dicere solitum accepimus: antequam cum Ignatio co-

T rām

rām egisset, præclarè sese vtiq; de illo existimare solitum, qui tali Societati præcesset. at verò, postquam ipso familiariter usus est, Societatem magnifice re cœpisse, quam Deus tali præside ac moderatore donasset. Iacobus verò Laines, qui proximus ab illo Societatis gubernacula tenuit, ceterique Patres, quamuis humanissimè cum illis Ignatius ageret, tamen eximiam viri virtutem ita reuerebantur, ut benè moratos vel parenti liberos, vel magistro discipulos, adstare diceres. Quod si quādo (quod tamen perraro fiebat) rei necessitate coactus, vultum indueret seuerorem, & aliquē increparet asperius, tāta erat vis, pondusq; verborum, ut contraria ne hiscere quidē auderet quisquam. idq; præsertim in causa viri cuiusdam insignis apparuit, qui cum turbulentior esset, quam vt cum diutius ferri opereret, cūmq; eius animum Ignatius blandis monitis præceptisq; ne quidquam sanare tentasset, ad extremum oratione conuersa, diuinam testatus iustitiam, ac cœlestis iræ minas inten-tans, tantum ardorem spiritus præse-tulit,

tulit, ipsi ut parietes testaq; non dubio motu nutare & concuti viderentur. quo terrore perculti qui aderant illico procumbentes, Dei pacem precibus ac votis exposcere. ipse vero qui accusabatur, exanimis ad pedes Ignatij sese confessim abiecit, ac supplex confusa voce, culpæ veniam petiit, seque posthac in officio fore pollicitus est. Continebat autem in disciplina, cum ceteros omnes, tum eos maximè qui vel insigni cruditione; vel generis nobilitate præstarent: quippe quorum dicta factave ad exemplū in omnes partes valeant plurimum. Otium vero, ut omnium vitiorum somitem ac seminariū, in primis oderat: itaque duos tresve rei familiaris adiutores, cum ad ianuam alieno tempore confabulantes ē superiore loco aspexisset, illico iussit aceruum lapidū in proximo sitū, in summam ædium contignationem sine cunctatione transferre. eosdem tertio post mense cum ibidem iterum otiantes animaduertisset, illam ipsam lapidum congeriem, ut in eundem locum referrent, vnde asportauerāt, im-

T 2 pe-

perauit. amice insuper admonens, nihil in Dei famulatu periculosius esse desidia. Cum quemdam in tradito sibi munere valde remissum atque oscillantem inuenisset; quæsiuit ex eo, cui nam in tali ministerio daret operam, Deo ne, an hominibus? cum ille se Deo vtiq; deseruire dixisset: Plecteris igitur, inquit Ignatius; nam in rebus humanis minus accurate versanti, iure forsan ignouerit quispiam; at immortali Deo ministrari negligenter, id vero nullo pacto ferendum est. Spectaculis publicis, quamuis alioqui licitis, vel etiam sacris, adesse nostros non ita facilè permittebat, quòd si qui, facta potestate, se ad ea conferrent, eos etiam atque etiam iubebat, sine ullo arrogantiæ seu leuitatis indicio modestiæ ac submissionem tenere; cedere omnibus; & infimum semper locum (nisi aliter à circumstantibus cogerentur) eligere. Cùm è Romano ab se nuper instituto Collegio, adolescentes quosdam solutius in publico ambulantes vidisset; castigandos curauit palam, hortandosq; graui oratione, vt quem

habe-

haberent insitum animis pudorem ac
verecundiam, cum externo item cor-
poris habitu præ se ferrent: & quoniā
Apostolo teste spectaculum facti es-
sent omnibus, cauerent etiam atque e-
tiam, ne superuacanea locutione cu-
rioso oculorū obtutu, aliove incon-
ditō gestu, motuve corporis quenquā
offenderent, præsertim cum eo de ge-
nere toto, multa cum precatione, la-
chrymisq; conscripta pulcherrima i-
pse præcepta paulò antè edidisset. Ni-
hil noui moris in Societatem induci
se in scio est passus, principijsq; vigilan-
ter & acriter obstatit: quippe qui exem-
pli vim nosset, & rerum incrementa
fallentia. Quosdam, qui ad vineam in-
iussu luserant pila, laicum etiam sapo-
ne manus lauantem, haud impunè ab-
ire permisit. seditiones vero, & alienæ
laudis obtrectatores, & rerum noua-
rum cupidos, non diu tulit: sed omnia
expertus, quæ ad reuocandam dubiam
indolem, & peiore loco positam face-
re viderentur, si parum proficeret, ad
extremum è Societate pellebat, nec
vnquam carcerem compedesve in So-

T 3 cic

cietatis mores induci permisit, negans
qui vinclis constringendi forent, eos
dem esse ad nostrum institutum ido-
neos. itaq; custodiæ loco ianuam ostē-
tare consueuerat, acciditq; aliquando,
vt iusta de causa complures adolescen-
tes exauctoratos vnâ dimiserit, atque
huiusmodi fere (quod silentio præter-
eundum non est) è Societate pulsi ho-
mines, exitialem exitum fortiti sunt,
fatisq; constat, alios inter symphoniam
lasciuè saltantes repente occidisse,
alios contracta rixa deniq; alio misera-
bilis leti genere perijisse. In puniendo
autem id sequebatur in primis, vt no-
xæ responderet animaduersio, & in
suo quifq; vitio plecteretur: superua-
canea verba silentio, ignauiam labore,
honoris cupiditatem ignominia luc-
ret. ac ferme animaduersiorum Ignati
genus erat illud: circulum humi de-
scribere, ex quo noxij ne iniussu exce-
derent: colloquijs certorum hominū
nominatim interdicere, verberationes
ad præfinitum temporis spatium in-
iungere, & alia eiusmodi: noxas au-
tem leuiores & quotidianas intelligo,

cu-

cuiusmodi in homines etiam studiosos perfectionis cadunt: nam grauiores Ignatius minimè tolerasset. Solebat etiam sibi fontibus ad humilem mensam in triclinio accumbentibus, obiurgatorem inducere, infimæ plerunque conditionis hominem sed ingeniosum & acrem, qui cunctis audientibus, vitia reorum increparet, exprobraretque religionis annos, & negligentiam: idemque cæteros carptim nec opinantes repente perstringeret, nimirum cunctum superbiæ causa mentisque è pigritiæ veterno excitandæ. Sed qui deliquerant, priusquam ex consuetudine punirentur, quām lenissimè operam dabat, ut suam ipsi culpam agnoscerent, atque vltro sibimet multam irrogarent. quæ tamen si grauior videatur, confessione contentus, ita moderabatur, ut multum sæpè de acerbitate minueret.

Eiusdem animi submissio, & quid de virtute Obedientia senserit.

Cap. VII.

T 4 Ne-